


Jekabara



Cikela ceman n'a musoman kunnafoniseben

a be bo kalo o kalo

Jamana baarada la BP: 2043 Bamako (Mali)

SIGIKAFYE DAAMUYE

**CMDT ni koorisennaw ka sendikaw ani
OHVN ka laadalajogonye jaabi.**



Je 6 -7 -8nan

Kalo Laadilikan

Muso ye du ntuloma ye.

A joyoro kabon fana jamana kan yiriwalibaraw la. (netaa sabatili). Bi-bi in na, here caman latigera jamana ni CMDT fe walasa ka musow ka netaa sabati sigidaw la. (O baaraw bolila soro yiriwali kan). Baara caman bolodara o hukumu kono. O soro yiriwalibaraw ye : sen, baganmara, jagomisenninw, sumanw bayelelimali bali-kukan. Musow labennen fana ka ke jekuluw ye dugu kono, walasa ka feere jini u haminankow la, bawu "kono kulu jelen de be bi fo" O temennen ko, baaraw toba be ko. Marisikalo sera. O tile 8 ye musow togolodon kerenkernen ye. ninan, musow ka netaa sabatili minisiriso y'a lajini, nin don in ka ke taasibila don ye ka nesin sida keleli ma. O hukuma kono, an be welewelemedali ke ka nesin an balimamusow ma kerenkernenya la, an balimamusow minnu be togodaw la. Ka masoro n'i y'a men baara, kene ya don, n'i y'a men du kene ya don, n'i y'a men dugu ani jamana ninnu bee be kene ya ko de. O siratige la, jamana nemaaw ye marisikalo tile 8 2000 sigikabarow n'a tow bee lajelen nesin Sida keleli ma. Nin bee b'a jira ko sida te bana juman ye. O tuma bana kune kafisa ni bana furake ye.

Tata jire CMDT. BKO



**Wizor monjali
Cesirilen be
Yiriwalibaaraw fe
Mali kono**

Je 11nan

"Kalan be mogo son hakili la, nka kunnafoni be mogo bo kunpan na". Yoro Ulen Sidibe

Sigida nesigi ni Sikaso mara komini dōw cesira

Kabini san 1993, sigida nesigi be deme lawaleyatigiya kono walasa ka sigidalamogow ka sekow sinsin. O joyoro be ka waleya, k'a ta sigida lakanali baaraw la ka na se sigida yiriwali baara ma kominiw sigili hukumu kono. Mogow saba 3 be baara ke sigida nesigi poroze kono :

- A nemogoba ye nansara ye ko Zakilini Montiye.

- Mali jamana mogow fila (2) kalanfaya laadili ani kolosili kama : Mahamadi Jawara ani Lamini Sunkara.

Sigida nesigi y'a seko ke kominiw demeni na Sikaso mara la. Sigida nesigi ye demejekulu ye min k'a baara nesinnen be an balima togodalamogow demeni ma u ka kominiw labaarali la, Sikaso ni Kajolo ni Kucala mara fan dow fe. O siratige la, sigida nesigi ye tile 5 lajeba boloda ka nesin a ka san 2000 baarasan waleya ketaw bolodali ma. Laje in kera Dee santiri la, o ni Sikaso ce ye kilometere 42 ye kejekayanfan fe. O hukuu kono, Jekabaara sebennikela do ye taama ke Dee santiri la, walasa ka kunnafooni soro sigida nesigi ka lajeba in kan. O taama daminena zanwuyekalo tile 30, ka taa bila feburuyekalo tile 5 la. O siratige la, taratandon, feburuyekalo tile 1, san 2000 nege kanje 10 temennen ni sanga 30 ye, o y'a soro sigida nesigi ka lajesjama dafalen Dee Santiri la. Tuma min na nege kanje 11 dafara, Dee Santiri nema Dunbuya ye jama bisimila ni foli dugawu ye, ko "Ala ka laje kunce here la". O bannen k'o, sigida nesigi nema Mahamadi Jawara ye kuma ta. Ale y'a da don u ka san 2000 baarasan lajeba folo in kunnafooni kunkun n'a njen na k'o fesefese jama ye. A da sera ton konko sariya dow ma ka mogow hakililajigin olu la, ani yelema donna minnu na ka kura bila olu nona, a da sera olu fana ma. O temennen k'o, dugutigi n'a ka konenabolaw sigira. O temennen k'o, sigida nesigi kalanko kolosibaga Lamini Sunkara ye lajeba in kene datige n'u ka san 98/99 baarasan waleya kelenw ni kebaliw dantigeli ye jama ye. Lamini Sunkara ka fo la, san 98/99 baarasan lajebaw senfe, lanini tan ni wooro (16) de jirala. Olu la, sigida nesigi ka demenafole donna tan ni fila (12) da fe. A to naani (4) ma se ka ke, k'a sababu ke kowrew ye i n'a fo laninibagaw ka nebilanafolo

sorobaliya ani geleya werew mogow ma sigi ni minnu ye. A ka fo la tugun, san 98/99 baarasan lanini minnu waleya, sigida nesigi ka demenafole bolen ker'o la sefawari miliyon 76 309 240. Sigida nesigi ka san 98/99 baarasan waleya kelenw dantigeli bannen, a ka san 2000 lajeba nemogoya tara. K'a kalifa faama komini meri Musutafa Berite n'a ka sebennikela ce fila la, n'olu tun ye : Burama Sidibe ni Buguzanga Tarawele ye. O hukumu kono, lajeba dayeli kunnafooni bannen k'o, sigida nesigi nema Mahamadi Jawara ni dugumogow ka cidenw (meri ani konseyew) fe, sigida nesigi ye kunnafooni caman di mogow ma lajeba kun n'a kecogo kan. O taara laban ni cidenw jirali ye. (U togo n'u jamu, boyoro ni joyoro kene kan). Cidenw cela, dōw y'u yere jira lajeba ka cidenw ye. Dōw tun ye lanini jirabagaw ye. Nin waleya kelen in n'o ye lanini jirali ye, o jaabi y'a jira ko sigida nesigi tun ye wele bila a ka baarabolo komini 21 ma, nka 20 de yera kene kan. O jama hake taar'i jo maa 60 la. Nin bee lajelen temennen k'o, lajeba nema Musuta Berite n'a baarake mogow temenna ni lajeba baara tow ye, n'o ye lanini jirali ye. Nka sanni temen ka ke laniniw jirali fe, lajeba nemogo sigilenw ye hakililajigin ke lanini segesegesebenw kan walasa ka faamuva di cidenw ma. O bannen, laniniw jirali daminena. Tile naani ker'o baara la. O hukumu kono, lanini tan ni seegin jirala. Olu la, kolonko b'a la lakolisoko b'a la, sirababoko b'a la, musojiginsoko b'a la senko b'a la, n'o ye "pont" ye ani fen caman werew.

Sigida nesigi ka san 2000 baarasan lajeba folo kuncelibaara bolila laninibagaw ka lanini jiralenw segesegeli n'u sigihogonkani kan. O seben caman labenna sigida nesigi fe nin baara in waleya kanma. O waleya kelen in y'a jira k'a fo ko sigida nesigi ka san 2000 baarasan lajeba folo lanini jiralenw cayara n'a ka san 98/99 baara san lajeba temennen lanini jiralenw ye. Sigida nesigi nema Mahamadi Jawara ka fo la, k'o

sababu ma bo dōwre la u ka san 1998/99 baarasan sariya koro do binni k'o, n'o tun ye sariya ye min tun y'a jira ko komini kelen te se ka lanini fila jira. o sariya in wulilen de nana ni ninan san 2000 lajeba folo lanini jiralenw cayali ye. O temennen k'o, lajeba in kuncelibaara min ye kiimeni ye, a yera k'a fo ko sigida nesigi ka san 2000 baarasan demekenafole ka dogon a ka baarabolo komini mogow ka lanini jiralenw waleyalu la doonin. Ka d'a kan, sigida nesigi ka san 2000 baarasan demenikenafole jateminen benna sefawari miliyon 72 ma. Nafolo deseli hukumu kono, merisow joli kama sigida nesigi y'a jira laninibagaw la, ko nafolo dogoya n'a ta bee, ni Ala sonn'a ma, bee be jigisi-giyor soro a ko la. O misali do kera sigida nesigi ka naniyajira ye a ka baarabolo komini la ni nafolo doonin dili y'u ma walasa u be se k'u yere deme u ka merisow joli la : dōrōme 50 000 dira komini kelen kelenna bee ma. Mahamadi Jawara y'a jira a ka kuma laban na ko san 98/99 baarasan laniniw nebilanafolo min tun be sara laninibagaw fe, k'o tun be boloda k'a bila kalo wooro kuntaala kono, ko yelema donna o la ka sababu ke poroze ni banni man jan tugun. Hakili falen-falen kono, ben kera a kan, ko ninan san 2000 baarasan laniniw nebilanafolow sarali tēna se ka temen kalo saba kuntaala kan. Kunnafooni kunce la, sigida nesigi ka lajeba in kuncera n'a ka cakeda welelenw ka cidenw ka foli ni duguwu ye. O cakeda welelenw tun ye : CMDT, Eliwetasi, mara cemaboli konenaboli cakeda, ka fara kenyereye cakeda mogow dōw kan. Nin mogow kofolen ninnu y'u ka nisondiya jira kosbe sigida nesigi ka Dee Santiri lajeba in kene kan. O temffen k'o, sigida nesigi ye sanbarasengennin di komini cidenw ma. Dumuni kelen, sigida nesigi mogow ye jama labila ni foli ni dugawu ye : "ko Ala ka bee lajelen numan s'i ka so ka bee ka lanini nebilanafolo soro niogoya".

*Yusufu Famori Fane
Jekabaara ka ciden Dee Sikaso*

Pomati dilan

1, a kəfənw :

- Tigatulu walima koɔritulu litiri 1
- Buzi kuru 4
- haruna latikolɔn bara tilance
- ntentulu bilen kutuba ne 4
- haruna pomati bara lankolon 11
- Lemurukumunin kuru 1

2, a dilan cogo

1° ka tulu tobi k'a bilen, ka lemu-ru kumunin dɔɔnin k'a la (walasa k'a kasa tige)

2 nan ka buziden 4 bila o tulu la, n'olu yeelenna i be gariw sama ka bo a la.

3 nan ka kutuba ne 4 ntentulu fara o kan k'a nagamin.

4 nan ka nin fen nagaminnen ninnu bεe sigi tasuma kan k'u tobi militi 2 walima 3 kono ka soro k'a jigin.

5 nan k'a bila a ka suma militi 5 nɔgon kono, ka haruna latikolɔn kutuba ne 2 k'a la.

6 nan ka tuluj i yelema haruna pomatibaraw kono, k'u datugu, k'u to yen f'u ka suma.

Tata Jire CMDT BKo

- Poyi

Musoya te kojugu ye

I makun
maŋumako tigi
I makun
sonja tigi
I makun
lebu tigi
I makun
lajaaba tigi
E ye ni walejuguw be kun
mun na ?
k'i ye muso ye
bi dun ?
dunuya wulila i togolako la
u nimisara
u hamina
i kunawolola
densmisew jigi
lojuratow jigi
funeserew jatigi
e tun tununa
i yera min ?
jigiyi so kono
u ni kunu
e ni bi
wili i k'i cesiri
i ka sabali
i ka munu
here b'i ne
Sayidu Kulibali ka bo Kalana

Safune dilan cogo kura

Kefenw

- N'i b'a fe ka safunekuru 40 bo sijne kelen, i be temen nin sira fe ;
- Situlu kilo 4.
 - tigatulu walima koɔritulu litiri 3.
 - Katanin kilo 1.
 - Bolo ne fila farinimugu
 - Kutu dogomanin ne fila gomumuguson k'a
 - kutu dogomanin ne fila latikolɔnji
 - Barikatigi foroko 1

sensen ni sensennan do ye, k'a yelema safunegi in na.

7, i be temen n'a lamagali ye halisa ka taa fan kelen fe ; i be latikolɔnji k'a la k'a nagamin, ka barikatigi k'a la ka temen n'a nagamini ye.

8, Ni safunedege ye fasajali damine, i b'a yelema safunemulu kono lere kelen walima 3 kuntaala kono, ka ke ne ni waati cogoya ye 'funteni walima nene tuma).



-jisuma litiri 7.

Dilan cogo :

i be situlu bila barama kono k'a sigi tasuma kan k'a to yen k'a yeelen fo k'a je kosebe, ka soro k'a jigin k'an sigi fo k'a suma.

2, i be tulu suguya fila in fara nɔgon kan minen kelen kono.

3, i be jisuma litiri 7 in ke benewaai negeman do kono, ka katanin in bila o kono k'a lamaga ni fen do ye i n'a fo sonkalan walima kala jan do, min kolokagelen kosebe.

4, i b'a segesegé kosebe, i b'i bolo ko da kataninji minen k'o la k'a laje n'a kakalan walima n'a mankalan.

5, N'i y'a don ko a sumalen, i be tulu nagaminen in yelema kataninji kan minen kono, ka soro k'a lamaga ni fen do ye : Nka n'i y'a damine kininbolo fe, i b'a t'o la fo ka taa i tila tuma min. N'i y'a damine numanbolo fe, a b'o cogo kelen na. Nin kun te doweré ye, n'i y'a lamaga ka taa i bolo fan bεe fe, tulu ni ji te nagamin.

6, N'i y'a don ko tulu ni ji ye donni damine nɔgon na, i be gomumugu ni farinimugu yelema jisuma litiri kelen na, n'olu yeelen la, i be soro k'a

9, i b'a bo mulu kono k'a safunekun kelen kelenne bεe kerew dalake ne walasa k'a ce ne.

10, i be "tanpon" sigi a kerew woɔɔr bεe la.

11, A to buwuburu min be to, i b'o fara nɔgon kan k'o mon ka ke safune monlen ye.

12, i b'a safune suguya fila in bεe to yen tile 1 walima 2 kono a ka ja kosebe, ka soro ka baara damine n'a ye.

Laadilikan :

- Ni tila kera baara ninnu be lajelen na tuma min, a dilanfenw lasagonnen tun be manaforoko minnu kono, i b'i jija k'u bεe fara nɔgon k'u jeni walima k'u fili nege kono denmisew kana s'u ma cogoya si la .

- O k'o, i b'i tege fila ko k'a je kosebe ni (lenmurukumunin den ji ye walima a furabulu cɔnkɔnnan ani zababulu n'a nɔgɔnnaw). Walasa k'i (kisi a kasaaraw ma) i n'a fo an karamogo y'a fo cogo min baara in kalan senfe desanburu kalo tile 4, san 1987 wele-sebugu la.

Tata jire CMDT Bko
Sebenni bayelembaga
Yusufu Famori Fane

Musow ka netaawalew baara keli ka kan ka matarafa.

Bamako n'a lamini mawabolo nemaaw ka korsigi musomanw b'a fe k'u jeniyoro fin musow ka netaawalew sabatili la. O siratige la jekabaara sebennekulu mogo do ye taama ke Bamako n'a lamini na taama in daminenet setanburukalo tile 26 san 1999, ka taa bila a tile 30 la, walasa ka kunnafoni jorjor soro korsigi musomanw ka kewale talenw na ka nesin musow ka netaa sabatili ma. Kunnafoni minnu soro taama in senfe olu file :

Jurali nasira la, madamu Djire Mariyamu Jalo ye sigida 3 nan marabolo nemaan ka korsigi ye, a ka baara nesinnen be nafoloko n'enaboli ma cakeda in na. Kulubalila Alima Tarawele, ale ye sigida 2 nan marabolo nemaan ka korsigi dankan 2 nan ye, a sigiyoro bennen be Kenzanbugu ma. O temennen ko, muso ninnu bee ye polotigijekulu (Adema) mogoye, wa u cesirilen don kosebe faso baara la. U y'a sementiya u ka kuma na, k'u ka sigida mogoye ma danaya d'u kan gansan wa danaya tun b'u kan. U fana ta tun be siginogonw kan polotigiko nasira la, musow ninnu y'u seko ke musow togolakow n'enaboli la u ka kinw kono, fo ka na s'u ka joyoro in soro ma marabolo n'emogoya la. O siratige la, u y'a fu ka kuma la, ko hadamaden ka ko bee b'a yere de boio. U y'a jira k'a fo ko ben ni kelenya ni kotojogonta sababu de y'a to n'u siginogonw ye kalafili u togola k'a da u kalaadiriya kan. O koson, u k'u b'a nini Ala fe don o don, a ka hakili numan d'u ma walasa u be se k'u demebagaw ka danaya minen fa.

Muso ninnu y'a jira k'a fo ko baara caman bolodalen be u fe ka nesin musow ka netaa sabatili ma Bamako n'a lamini na, dow kera, dow ma ke. Nka n'i ye kelen jatemine, kebali ka ca n'o ye. O sababu bora baara n'a damine waati de la, ka masoro u bolo donnia ma mesen baara la. Nka o n'a ta bee, u sera ka min ke i n'a fo baara n'bila baara ka nesin musow ka netaa sabatili walew ma u ka kinw kono, olu dow file :

U y'a nini musow fe u ka ke kulu ni kulu ye, walasa u demeni be se

ka nogoya:

- u ye baliku kalanso jo musow ye kinw kono.
- k'a nini ka demejekulu ni musow bolo don nogon bolo nafasorosira caman kan, ani ka juru soro noga ya musow bolo jago-misenniw nasira la.
- Ka jekulu sigi sen kan kin kono



**Madamu Kulubalila Alima
Tarawele komini 2 nan meri ka
dankan 2 nan .**

minnu ka baara nesinnen be bolonkononaw sanuyali ma. O sira kan, Kulubalila Alima Tarawele ye musojekulu do sigi senkan u ka kin kono n'o ye Kenzanbugu ye, k'o togoda ko "Ladamu". Jekulu in togo in sigira nafasorosira caman b'a kono. O siratige la, Kulubalila Alima Tarawele y'a ka baara kufolo nesin "Ladamu" ma. O temennen ko, Bamako n'a lamini marabolo nemaaw ka korsigi musomanw ye wele bila Mali musow bee lajelen ma, k'u kana sigi k'u bolo fila da u sen kan jamana joli baara fan si la

bawo jamanadenw bee damakena fasojo baaraw la. O siratige la, mara cemaboli hukumu kono, kalafili minnu kera mekalo tile 2 ni Zuwenkalo tile 6 san 1999, ka nesin marabolo n'emogosigi ma, musow senyera olu la. U y'u **Madamu Djire Mariyamu Jalo sugandi dugu-komini 3 nan baw ni togodaw meri ka korosigi la. O cogo la, do don muso 80 ni dooni** ye marabolo nemaan ka korsigya joyoro soro marabolo nemaayasow ni politikitonw kono. O temennen ko, muso damado ka marabolo n'emogoya soro Mali komini caman kono. N'i maa min ye waati temennenw kow mafile fo ka na se bi ma, i b'a klosi ko yelema donna kow taabolo la kosebe musow fan fe. O yelema siratige la, u k'u b'a nini korsigi cemanw n'a musomanw bee fe, u ka fara nogon kan k'u bolo di nogon ma ka fadenya ni politikitonko keli dabila ka jamanajobaaraw ke ni kuntilenna kelen ni miiran kelen ye ka d'a kan jamanaden ka soro ni lafiya b'o la.

Nin tun ye Bamako n'a lamini marabolo nemaaw ka korsigi musomanw ka korofo ye. N'i Ala sonna, aw bena togodalamogoye fana ka marabolo nemaaw ka korsigi musomanw ka korofo da aw tulo kan jekabaara boko nataw kono.

Yusufu F Fane



POLITIKIKO TAABOLO

Kabini 2000 san feburuyekalo tile 15 don, an ka jamana ministri-nemaa tun ye Ibrim Bubakar Keyita ye, o y'a n'a ka ministrikulu ka joyoro-labilasében di jamana kuntigi ma. O b'a jira k'a ye san 6 de ke nemaaaya in na hakililajigin na, an b'a jira aw la k'a ye joyoro in kotigya ta 1999 san okutoburukalo de la. Fen min ye minisiri nemaa in takun folen ye, o ye ko walasa ka jøsen kura, jøsen banbannen don an ka jømufanga kørø. Tine don, jamana kønø gøleyaw ma ban, nka nobabø'u kølesira mineni na. O de kanma an b'a fo ko a nonabila, min ye Mande Sidibe ye, o n'a ka minisiri tataw bøna u køgø di baara ma, walasa ka jamanadenw lase here ma, Ibrim Bubakar Keyita ye min jubo ka ban. Jamanajo yere y'o de ye : døw be tufaden bo, døw be so jubo awa døw b'a jo. Mande Sidibe bøna ke Mali jømufanga minisiri nemaa naaninan de ye, n'an na cømance fanga ta da a fc. Ale fora Yunusi Ture ni, Abdulayi Seku So ani Ibrim Bubakar Keyita de kø. An be dugawu ke Ala ka a ne noni hake dogoya a ka baara in na..

Tumani Yalam Sidibe

Sensabana be n den na.....
Ne ka kan ka ka mun ke ?

JAMANA Baarada Ka Gafe Kuraw Børa.
Gaafe ninnu do file :
 * Sensabana be n den na.....
 Ne ka kan ka ka mun ke ?
 * An ka yøle døonin
 * Takana
 Aw ye wuli ka se Bamako
 Jamana Baarda ka
 Gafefereyøro la min file
 "BDM.sa" dafø. Modibo Keyita
 Tøgøla Siraba dala
 Søngø damatømediya don .



Uko

Fajuguden ye saba ye. Møgø fa sara ka du min jølen to, n'o binna i bolo, i ma se k'a jo i ker'i fa ma jugu ye i fa sara ka sørø a ni møgø min ka di, n'i n'o tigi keløla, i ker'i fa ma jugu ye i fa sara ka sørø a ni møgø min man di, n'i n'o tigi diyara, i ker'i fa ma jugu ye. Dangaden ye kelen ye. Dangaden fa teri t'a teri ye ; dangaden ba teri t'a teri ye ...

jeli Baba Sisoko
Mali jeliw ka kuntigiba

— — — — —
Ben de be ko dilan. Ben te jekulu o jekulu kønø, o yiriwara cogo o cogo, o laban ye bugurinjerøcili ye. An ka bøn, n'o kera an b'an diya dije kønø.

Mamuru Tarawele
Ka bo køkeni (Sirakørøla)

— — — — —
Djøe in kønø, bøe b'i ka wahiba kun døn sanni i ka se moriwa bara orøwale numan ke, n'o kera, i te sigi i malokøne kan habada.

Mamadu Dunbiya
Wajulikøla Bamako.

— — — — —
i man kan ka min ke mögøw la,
i t'o døn wa ? i t'a fe mögøw ka
min k'i la o døronpe de ko don.

Antuwani Malro
Ka bo Faransi (1760-1810)

SIGIKAF³ YE DAAMUYE

CMDT ni koɔrisenew ka sendikaw ani OHVN ka laadalangonye jaabi

Feburuyekalo tile 4, San 2000, CMDT ni koɔrisenew ka sendikaw ani OHVN ka laadalangonye kera CMDT ka Segu koɔriwurusiycɔrɔ nɔgɔyeso kɔnɔ



Siyaka berite CMDT sekeretizerinali.

nɔgɔnye in nɔmɔgoya tun be mɔgo fila bolo minnu ye :

- Siyaka berite n'o ye CMDT sekeretizerinali ye.
- ani yaya tarawele n'o ye koɔrisenew ka sendika jamaa ye. nɔgɔnye in bolodacogo tun ye nin ye ;
- San 1999 / 2000 baaranan Sannifeere bolodali.
- koɔrisene magonefenw labaara musaka.
- ani hakilina wɛrew.

Benkelen kɔ nɔgɔnye bolodacogo kan ka ban, CMDT ye nɔgɔnyeseben labennen jira, min tun tilalen don dakun naani ye. O dakunu tun ye : koɔri sɔrɔta bolodalen ; baarakeminew ; haki-lilajigin sannifeere taabolo dɔw kan ; bagandumuni.

) Seneten sɔrɔta hake boloden

- a) koɔri (katimu 1)
- b) Suman ni seneten wɛrew sɔrɔ hake bolodalen (katimu 2)
- Koɔri sɔrɔ hake bolodalen te sɔrɔ ninan baaranan in na, n ka fɔn min ye sumanw sɔrɔ hake ye,

o bena sankɔrɔta ka temen salon baaranan ta ka (98 / 99).

II Baarakeminew

- Sikowu ni cikelaw demejekuluw be barika don koɔrilasagonbore finimanw la. Ka

	kene hake taari	kene sɔrɔ hake taari la	baaranan sɔrɔ bolodalen (toni)	labenbolo 2000 kalo fɔlɔ	keme-tilada %
CMDT	442 496	1013	448 230	429 773	96
OHVN	39 803	939	37 391	29 808	80
Mali sorota kuru	482 299	1007	485 621	459 581	95

Katimu fɔlɔ

Senetenw	Kene hake (taari)	Kene sɔrɔ hake (taari la)	Sɔrɔ (toni hake)
Kaba	239 250	2 078	497 095
Sanj	277 653	948	263 282
Kenige	407 478	1 068	435 333
Malo	66 978	1 724	115 485
Fini	20 189	539	10 885
Tiga	102 979	798	82 221

ninan san jurusarata wajibiyal en CMDT ni BNDA tɔgɔla, o ye sefawari 38.039.194.170 (Miliyari bi saba ni seegin ani Miliyon bi saba ni kɔnɔntɔn ani ba keme ni bi kɔnɔntɔn ni naani ani keme ni bi wolonwula ni tama fila)

III Sannifeere taabolo.

Nin laadilikanw kera ka jesin dugunemogow ma, walasa u k'a lajensən dugu kɔnɔ.

- Duguyiriwatɔnw be baara ke ni koɔri segesegēbaraninw ye ani koɔri sifilefen wɛrew ye, minnu bilara u ka bolo kan o kama baaranan damine la.

- Koɔri minnu bɔra joona, olu ka kan ka laja fɔlɔ (baasiw walima sannifeerebɔrew kan). O kεkun ye walasa u ne kana tine.

Koɔrisenew ka kan ka nɔkalabilie wi dilan, u be koɔrikoloma lasagon minnu kan sanni sannifeere tuma ce.

manamanw kon.

- Walasa ka koɔriwari sarali teliya, kɔcogo fila jateminena :

- Fɔlɔ : ka koɔri kalite fɔlɔ sɔgɔn fɔlɔ di ka da duguw kɔnɔ peseli hakeda kan. O be ke n'a y'a sɔrɔ koɔri bɔs pesera ani k'a lase dugu koɔrisugu la, ni juru sarata waajiyalen be se ka sara.

- Filan : koɔri sɔgɔn tilance be sara ka be san koɔri sɔrɔta hake bolodalen ma, ni juru mumɛ hake tilance be se ka sara. Nin sannifeere labenfɔsrew bɔs ka kan ka sigi senkan kafow kɔnɔ, nɔgɔnyew senfɔ, kafɔnemogow ni politigimogow ni cikelakɔliden kuntigiw ani hadamadenya sabatili lajinimogɔ wɛrew be ye min kene kan. Kunnafoni kuncé la, a kafisa koɔrisenew ka barika don nin taabolow la :

- Sumansene sankɔrɔtali ani senefen wɛrew.

- Bagandumuniseneñ sankorotali, bagandumuniseneñ fənw kaanni, bagandumuniseneñ fənw caman lasagonni.

Samonbaara sankorotali.
IV) Bagandumuniñko taaboto.

Sorota hake kerenkerenneñ kelen dira CMDT ni OHVN ma 99 / 2000 baaranan na songo koro la, n'o ye dōrōme ba woɔrō ni kemē naani ni bi kōnonton ye toni na (o hake kerenkerenneñ ye toni ba 30 ye). Nin tilali in kera ka da sarimi si hake kan CMDT ni OHVN maraw kōnō. hake in tilala bagan 633.507 de ce mara kōlsileneñ kōnō (CMDT ta ye 581.507 ye, OHVN ta ye 52.000 ye. O'b'a jira ko (kilo - biduuru - bōrē) kelen de labilalen be bagan kelen kelenna bēe ye). Ni hake bolodalenw ninina CMDT ni OHVN cikela jekuluw fē u ka nōgonye senfē.

Bagandumuni tilacogo katimu
O kama, bagandumuni sōgōnw sigira ni cogo la.

- jesanda : Dōrōme 6.490 toni na. O be ben kilobiduuru - bōrē kelen d 325 ma.

- jurusanda : (10% be far'o kan) : d 7 125 toni na. o be ben kilo

Bagandumuni selen a seyōrō la,
ka ben san 2000 zanwuyekalo tile 15 ma (katimu)

Maraw	Sorota hake mumē	Hake laselen	Laseta
Fana	5 635	1 510	4 325
Buguni	4 433	2 505	1 928
Sikaso	5 060	2 740	2 320
Kucala	7 800	3 905	3 805
San	5 645	1 440	4 205
Kita	1 318	0	1 318
CMDT	29 801	12 100	17 791
OHVN	2 667	133 700	25 330
Mumē	32 558	12 233 700	20 324 000

ka ben san 2000
Zanwuyekalo tile 15 ma/

Sorocogo wēre min be bagandumuni na ka temen

CMDT ni OHVN ka laadalasira kan, o ye ka nininimusakaseben ci "i koma" la (apelidofuru) a tēna men tugun, o nininissebenw be na dayelē cikelaw ka sow la, ani bagantigijekuluw dagayōrōw la. kunceli fōlō :

fo ka se san 2000 zanwuyekalo tile 31 ma, gelya donna kōri sannifeere la k'o sababu ke kun

wurusili kōnō gelyaw yēre ye. O siratige la, se kera teliyalā waribontigw ma walasa ka feere sōrō nin gelya ninnu kēleli la.

kōrisenewaw togolamogow joyōrō be na ke mun ye ? Tōnsigi kōnōkow bēe fesefeselen kō, barosew senfē, an be se ka min to an hakilia, o ye ninnu ye

1) Fen min ye kōrisenewaw

togolamogogow joyōrō ye, olu ka lajiniw tun be gafe dō kōnō, min be wele ko "sikowu ka lajiniw CMDT ni OHVN ani sikowu ka Segu laje kadara kōnō" O lajiniw tun ye :

- ka kōri mumē san kalite fōlō da la.

- CMDT ka nōgōw musaka ta, minnu donna ji ka kōriforo tijenewna na.

- kado fara kōrisenewa gelyatōw ka juru sara waati kuntaala kan.

- ka segin ke teliyalā benkanseben kan, min kera CMDT ni waribontigw ani kōrisenewaw ce.

- ka sikowu ka cidenw ka tile - tan - lajew wariw sara u ye, i n'a fo a bolodara cogo min na .

- ka bagandumuni soroli dulon sikowu tōndenw ka tōndenwari to sarali la.

- ka bagandumuni kerenkerenneñ jēsen yōrō caman na.

- kōrisnebaarada ka demedon sikowu ma a ka netaa baaraw sabatili la.

2) Jaabi jōngōn bōra CMDT la

Bagandumuni tilacogo katimu

Maraw	Hake kōrō maralen	Hake dita kuru	Hake mumē toni na
Fana	1 189	4 446	5 635
Buguni	291	3 542	4 433
Sikaso	0	5 060	5 060
Kucala	162	7 638	7 800
San	236	5 409	5 645
Kita	80	1 238	1 318
CMDT	2 558	27 333	29 891
OHVN	—	2 667	2 667
Mumē	2 558	30 000	32 958

biduuru-bōrē kelen d 357 ma. A donni ni n'a laseli a seyōrō la, o musakaw bēe be CMDT ni OHVN kan.

Bagandumuni selen a seyōrō la,

fila ye :

- kun fōlō, nin baara ninnu lasumaya, o ye kōri koloma sanwari dili ye.
- kun filanan kera kōri koloma

ka nesin lajini ninnu ma. Fen min ye koori mume sanni ye kalite folo da la, o dulonnen don koori numan laseli la a wurusiliyoro la. O yere de kama, mimen kura bilara kooriseneyorow ka bolo kan, walasa ka koori koloma sankorota. San o san bataki be ci kooriwu rusiyorow kuntigw ma, walasa k'u hakililajigin koori koloma kalite numanyako la. O wale in kera sababu ye ka koori koloma numanya sankorota.

Fen min ye noggow musaka tali ye CMDT bolo, minnu donna ji ka kooriforo tijenenew na, CMDT be deme don BNDA ni cikelaw ka sigikaf la, minnu senfe, geleyaw be laje ji nemajolen, na walasa ka do fara juru sarataw sara waatiw kuntaala kan. Fen min ye yelenna donni ye CMDT ni koorisenaw ani sikowu ce benkanseben na, o kera ka ban barisa baarabolo do labenna o hukumu kono, min be na lase sikowu ma, a k'a hakilinanta di a kan. Fen min ye sikowu cidenw ka tile 10 lajew musaka tali ye, o pereperelatigelen don

CMDT ni Mali jamana ani koorisenaw ce "kontarapilan" kumabolo do kono. O kama, yamruya be cikemaraw bolo, ka sikowu ka cidenw ka lajew musakaw sara fo ka se u ka bojogonnataamaw musakaw ma hakili falenfalen siratige la, sikowu yere ka baara kecogo numan kadara kono. Fen min ye bagandumuni laseta kerenkerenw ye, olu donnimusakako be jatemine a waati la. Nka sisan a nininen don cikemaraw fe, u ka jatemine ke koori koloma sorota kan, walasa k'u hakilinanta di u magonebagandumuni hake kan. CMDT sonnen te sikowu ka ninita ma, min b'a jira ko bagandumuni soroli kan ka ka dulon tondenw ka tondenwari to sarali la. Tijedon, jenogonya ka kan ka sorbaarakejekulu bee ni jenogon ce mara kelen kelenna bee kono. Nk'a mankan mogo ka waajibiya ka tondenseben ta a mankan fana Cikelaw ka bagandumuni soroli ka dulon u ka sendikako tabolo si la.

Hakilinan werew :

Kita cikelaw ka cidenw ye kunnafoni di ke u ka sendika filanan ka baaraketaw kan, min be wele ko "SPCK" u ye kunnafoni di ke fana "AFD" baarajekulu ka taama kan kita mara kono, min tun be cike yiriwabolow kan. O temennen ko, sikowu nemaaba y'i sinsin baara taabolo dantigelen matarafali kan CMDT bolo. A kafisa CMDT ni Sikowu ka laadalajogonyew waati matarafa. (Awirilikalo ni setanburukalo).

Kunnafonidi kera mogow ma fana CMDT ni "bangi monjali" ce siraw kan, ani duganew labenbolo kura "UMOA"

Jamanaw kono. Fen min ye BNDA juruko geleyaw (tasumadon ani ji ka tijenew) kunkanko ye, CMDT y'a jira k'a be na kunnafonini ke olu kan. Fen min ye senye yiriwafen kunkanko ye, laje were bolodara o kama ka ben San 2000 Feburuyekalo tile 15 ma.

Mamadu Yusufu Sise CMDT Bamako Bayelemabagaw Yusufu F Fane ani Tumani Yalam Sidibe

Nosimansin 6 dira musojekulu 6 ma

"Benkadi ton" n'o ye Yoroso musojekulu do ye.

"ATT togola benkadi ton", ka bo Mahina

"Cesiri ton" ka bo Sofara

"Jene-musow togolajekuluwa.

"Keme kafo" n'o ye Joyila musojekulu do ye.

"Gawo musow ka ton".

Nin musojekulu kelen kelenna y'a ka sewa jira k'a da nin wale ceni kan. U ka duguwudon kofe, u y'a jira tun ko musolakaw ka jani be ka dogoya k'a sabu ke nin n'a jenogonna walew ye k'u nesin olu ma. Nogubolan 6 ninnu dira nin musojekuluw 6 ma fen kelen de kama. U k'u labaara k'u nafa bo u la. O nasira kelen kan,

musow be lafiyada sorbaara la. O ye lajiniw la kumbaba ye.

Nosimansin minnu dilen file musojekulu 6 ninnu ma, olu tun ye san 1999 temenen mansin tow ye.

Nosimansin ninnu kelen-kelen sanda ye sefawari miliyon 3 ni tila de ye. U sorola baaranogonya sira fe min be tali ke Mali denmisewn togola soba ni "Luxanburu Rauli Folero" togola soba ce.

Amadu Tumani Ture yere ka fola, nosimansin ninnu demebaga tigitigw ye "Luxanburu" cemancekalanso do npogotigiw de ka wale ye k'a nesin Mali musow ma. U jenna

n'a ye k'u musaka dow fara jenogon kan. O de kama, tile wari min be labila u ye dumunisogon ye finemine waati, npogotigi ninnu b'o kafo jenogon kan k'o lase Mali musow ma. Wari in be ta k'a don nosimansin 18 na a be ben o de ma san kono.

Nin kene in kuncawaati, Amadu Tumani Ture y'a jira ko "musow bena nafa min bo nosimansin ninnu na, o b'a to u bena se ka dower san u yere ye".

San 2000 kona na, nosimansi 18 were dili bolodalen don Mali denmisewn togola soba fe

Fanta Kulubali

Maloturu (to)

Maloturu ye baara min kono, malosun be bo yoro do la ka n'a turu foro kono. N'i ye maloturu sabatito ye malosenena bolo, a fo malosiyeñ boli n'a donni de sabatira. Walasa baara tow ka nogoya malosenena bolo, a bennen don malosiyeñ ka turu sira ni sira. Walasa malosun ka tilen nogon ma, u turuto, malosenena be maloturu kungolo damine ni jurukise ye, malosun be turu si hake min na, o nafa ka bon kosebe : a b'a to malosun nugu be diya, a b'a to malosun ci be diya, a b'a to malosun be kologeleya, a b'a to malosun be den ka ne, k'a kise caya.

Malosun turuta hake

Malosun turuta hake be jatemine ko fila, malosun da min be turu dingé kelen kono ani furance min be bila dingew ni nogon ce. O hakew jatemine be bo dugukolo diya la ani malo yere siya la. Ofisi kono, a bennen don malosenena ka tugu nin jatew la :

- Ni malosi don min kala ka surun : furance ka kan ka ke sanitimetere 20 X 20 ye.
- Ni malosi don min kala ka jan : o furance ye sanitimetere 25 X 25 ye.
- Malosun 2 walima 3 be turu dingé kelen kono.

Turudingé dunya

Turudingé dunya joyoro be malosun wuliko human na. Ni malosun ma turu ka ne, ji be se ka taa n'a ye. Ni turudingé fana dunyara kojugu, o be malosiyeñ degun, a wuli te diya, a te ci kosebe. O la, turudingé dunya ye k'a ta sanitimetere 2 ni tila fo sanitimetere 5. Ni malosenena ma ne malosiyeñ sebali turuli ko, a ka kan k'a ka foro dugukolo dakeñe kojuman. N'o kera, a ka malosun turulen te tunun ji jukoro, jikodese fana ten'a soro, bawo ji hake min be don foro kono, o beres be ben. "ko malo ye fen ye min b'a kanu a senw ka ke ji la nka a kun

ka ke kenema".

Malosun turucogo

Maloturula caman be malo turu u bolo la. Nka n'i b'a fe i bolokoninw kana jogin, i be se k'a turu ni maloturulan ye. Maloturulan ye kala walima bere ye min labenna a kama. Turuli be ke ni maloturumansin fana ye. Cogo o cogo, ni maloturubogó labenna kojuman, fen te bolokonin soro maloturu kono. Ni malosiyeñ turula ka ban, fo ka taa se malotige ma, malosenena ka baara to ye binbon, nogodon, ji donni n'a boli, ani maloforo kolosili baganw ni kono na. Cogo damado minnu ka kan ka ke nogon kan walasa maloturu ka sabati, olu ye : Ni malosiyeñ mesenna lamoni na kojugu, n'a turula, a te son cili ma. Malosiyeñ min kala ka surun, o ta ka jugu. O b'a jira ko waati de be malosun turuli la. Malo min be ne, o ye malosun min turula a turutuma na. Ni malosenena ye malo turu, o koro te ko binbon ta ma tugun. Tine don, ni forokene ye kene dakeñennen ye, ji min be don o fana hake ye kelen ye foro fan bese la, bin juguw be se ji jukoro, fo k'a bo binw na, minnu be balo ji la i n'a fo diga, bawani n'a nogonnaw. Yanni malosenena be nogodon, a ka kan k'i jija ka binboko kelen ke. Ni malo be turu fo k'a soro feere bese kera nogon kan walasa nogo fana ka se maloturulen kura ma. O feere ye maloforo tila-tilali, dugukolo dakeñeni ani ji hake beres benni ye. Ni nogo be don tuman min, o k'a soro ji hake ka dogo walasa a ka to foro kono; ka don dugu la malosun jukoro.

Nogo hake minnu bennen don maloturu la, olu file : Malosi minnu be senena nin waati la Ofisi kono, olu ye kala janw ye. Olu ka nogo hake ye nogo finma kilo 75 ye taari la (18-460)

O nogo be don maloturubogó labentuma tile 3 ka kon maloturu



ne, segenninje hake ye kilo 100 ye taari la 46-0-0) donko fila. Donko folo be malo cituma, tile 10 walima tile 15 maloturu kofe. Donko filanan be ke a turulen tile 40, o be ben a kuru sigi waati ma. Sanga ni waati bese, segenninje be don binbon kofe. Min ye malosiyeñ ye minnu kalaw ka surun, nogo finman hake ye kilo 100 walima 150 ye taari la (18-46-0) ; segenninje hake ye kilo 150 walima 200 ye taari la (46-0-0)

Doncogo were te nin nogow la. U fana be don i n'a fo folo ninnu ta nefora cogo minna. Min ye binbo ye, o ye baara ye, malosenena hakili man kan ka bo min ko, a man kan cogo si la ka salaya binbo la, bawu bin juguw te desse nin malosi ninnu na. Malo siya minnu be sena Ofisi kono olu ye kalajanw ye : "BH2", Gandiyaka ani "H15-23-DA" ye.

Kala surunw ye : BG, 90-2, Cahina TN1, jaya, o n'u nogonnaw. Kala surun ninnu bese be son tile-mafecike ma.

Kolosili : Foro minnu labenna kura ye, jatemine y'a jira ko Zenkidese be yen dugukolo la. O furake ka nogon. Zenkinogo kilo 30 fo kilo 40 be don taari kelen na segenninje donko folo fe. A be se ka don malosiyeñ koro kabini a be malosiyeñmarayoro la, dogokun kelen ka kon malosiyeñ boli ne.


Zenkinogo be don malosiyeñ koro dogokun kelen ka kon a bodon ne. Zenkinogo kilo 30 fo kilo 40 be don foro kura taari kelen na.

ɻena dugu sigicogo kunnafoni (tɔ)

I n'a fo an bora k'a fo aw ye cogo min na, an ka boko 171 nan kɔnɔ cogo min, o don.

ɻena dugu nafasɔrɔsiraw

Nena dugu te yɔrɔ dogolen ye Mali kɔnɔ, kekerenneny la Ganadugu kɔnɔ, Sikaso mara la. O hukumu kɔnɔ, nafasɔrɔsira caman dayelennen be ɻena dugu



Seriba Jalo ɻena komini méri

kɔnɔ.

Kalanko nasira la, balikukalan ye sira sɔrɔ ɻena dugu kɔnɔ. Ka d'a kan, yenkaw y'a damine kabini san 1977 waati. K'a ta o la kana se bi ma, a ye nafa caman ladon dugu kɔnɔ, i n'a fo dugu kɔri sannifeere walew ɻenabɔli, forosumaw ani nogofeerew ka fara sene yiriwali-baara tɔw kan. O temenen kɔ, u ka kalanden jolenw be se maa 160 ma, ce 130, muso 30.

Nafasɔrɔsirako hukumu kɔnɔ, magan min fanga ka bon ye, o nesinnen be sene ma. O senefenw fanba ye sano, keninke, kɔri ani kaba ye. O senefenw na, mɔgo kelen be se ka taari 2 walima 3 sene samiyɛ fe. Min ye foroda hake ye, o be b'i taari 4 125 ma. Suguko layalaya la, bɛe kelen kelenna be taa n'i ka sannifɛn ye k'a feere mɔgo ma i ni min mana bɛn a la. Jekuluko nasira la, musojekulu tan ni kelen (11) be ɻena dugu kɔnɔ minnu ka baara nesinnen be nafasɔrɔsira caman waleyali ma dugu kɔnɔ, i n'a fo safune dilan, galadon, nakɔsene ani malosene.

Ni wari min sɔrɔla nin nafasɔrɔbaa-raw la, u be do dun, ka do bila u ka forobakesu kɔnɔ. O siratige la, an be dɔn min na i n'a fo bi, nafolo hake min be ɻena musojekulu ka kesi kɔnɔ, o be t'i jo sefawari 85 000 la.

Nafasɔrɔton caman be ɻena dugu kɔnɔ, i n'a fo dugu cemisentɔn, npgogotigiton ani musokɔrɔbatɔn. Nin tɔnjekulu bɛe n'a ka baara don dugu kɔnɔ. Dɔw ta ye koɔribɔ ye, dɔw ta ye sumandonni ye k'o ladon jigins kɔnɔ. Cemisenw ta ye sene ye samiyɛ fe. Benkansében wɛre te tɔnden ninnu ni nɔgon ce sigikafo kɔ, wa u bari-kalen be halibi. Tɔnw ka netaa siraw wɛrew minnu be se ka ta, o te dowere ye tɔn ka baarakənafolow donni kɔ daw fe minnu nafa be se dugu bɛe lajelen ma.

Lamini lakanalifeerew caman waleyalen be ɻena dugu kɔnɔ. I n'a fo tasumadonkungo la keleli, baganinturu, dugukolono keleli ani jirituru, minnu bɛe waleyalen be ɻena dugu kɔnɔ. Ka nɛsin sigida n'a lamini lakanali ma. Keneyako hukumu kɔnɔ, o sabatilen be yen, ka d'a kan, keneyya baju ye saniya ye. O mana matarafa yɔrɔ o yɔrɔ, waajibi don keneyya ka sabati yen. O temennen kɔ, jekulu dɔ sigilen be senkan ɻena dugu kɔnɔ, ko keneyaso, san kalo 12 kɔnɔ olu jolen be ni dugumɔgɔw ka keneyako ye.

Min ye banako ye, o suguya wɔɔrɔ kelen be ka nɛnakaw degun kosebe. O banaw be i n'a fo koko, furudimi, "jabeti", "tanzɔn", nɔnin ani kanfasajabana. U furakeli laha-laya la, kunben befila dama de la, n'olu ye nɔnin ni kanfasabana ye. Nɔntɛ, a tɔ ninnu mana to k'i sɔrɔ, ni Ala ma fara i kan, a be taa n'i ye, ka da u fura sɔrɔli geleyaw kan.

Min ye dugu jiko ye, n'o ye ji saniman ye, o sɔrɔli ka nɔgo nɛnakaw bolo kosebe. Ka da dugumɔgɔw ka cɛsiri kan. Min ye dugukonɔna saniyaliko ye, u kelen be ka feere caman ta o kama, i n'a fo ka dukonɔna ni bɔlɔnkɔnɔna

namanw furan ka taa u bɔn fo dugu kɔfɛ. Wuluwuludingew fana sennen be nɛgenw kɔfɛ walasa ka jinɔgo lasagon olu kɔnɔ. Dumuni datugubali te dun ɻena dugu kɔnɔ.

Politikkiko nasira la, ɻena komini mɔgɔw ye politigiko famuya kosebe. Ka d'a kan, politigiton hake min be ɻena dugu kɔnɔ, o be t'i jo tɔnjekulu wɔɔrɔ walima wolonwula nɔgon na. Nka foyi t'u ni nɔgon ce bɛn ni kelenya ni kotonogɔntala kɔ. Bɛe be don da kelen fe, ka bɔ da kelen fe. Wa u bɛe ko baara. Min ye komini mɔgɔw hakilina ye, i n'a fo méri Seriba Jalo y'a fo cogo min, u hakilina be fɛn caman kan n'olu dɔw ye kalanko, bɛeṣeṣya, keneyako ani sigida lamini lakanali walew n'a nɔgɔnnaw. Min ye komini nɛtaabaaraw bolodacogo ye, Seriba ka fo la, k'u bolo ma don baaraw la fɔlɔ k'a sababu ke kow sigibaliya ye senkan ka nɛ.

Demənɔgɔnya nasira la, hine be dugumɔgɔw ni nɔgon ce, ka da sira caman kan i n'a fo samiyɛ waati nɔgɔndɛmɛ boloko nasira ni ko wɛrew la. Min ye dugu ka netaa geleyaw keleli feerew ye, u kelen be ka caman ta olu la, i n'a fo balo feereli fo ka don dunta la ani denmisenninw ka samiyɛfe yaala. Dugu kunnafoniko nasira la, méri Seriba Jalo ka fo la, u be kunnafoni sɔrɔ ka nɛ sebɛn w ni arajow fe. An be don min na i n'a fo bi arajoso kelen coogolen be ɻena dugu kɔnɔ, ko arajo teriya ɻena n'a lamini dugumisew bɛe ka kunnafoni be jensɛn o la. Seriba Jalo ka fo la, an be waati min na i ko sisān, geleya minnu be se ka dugu ka nɛtaabali, olu dɔgɔyara kosebe ka da dugumɔgɔw ka bɛn ni kelenya ni kotonogɔntala ani cɛsiri kan. O hukumu kɔnɔ, jekabaara labɔli-kuntigi n'a baarakənɔgɔn w k'u be ɻena méri n'a ka kɔrɔsigi w bɛe lajelen fo, ka fara dugutigi n'a kankɔrɔsigi w kan ani ce ni muso bɛe. Ala ka dugu taa nɛ.

Yusufu Famori Fane
Jekabaara ka ciden ɻena

Wizən Mənjali

Wizən Mənjali ye yiri-wadəməbaarada ye min lakodənnən don haali Bila kubeda kəno. Nka, an b'a səro fo, Gawo mara fana ni Mali fan wərew fe. Dəməbaarada in ka yiri-wabaara kətaw rə belebelew ye balikukalan ani kəneya taasira, fo ka t'a se sekow ni dənkow sankərətali ma a ka maraw kəno. Jəkabaara kalanbagaw tə kunpan na Wizən Mənjaliko kunnafoni na, ka d'a kan a təgəlaməgo, n'o ye Yusufu Fane ye, o sərola kəne caman kan, minnu labenna Wizən Mənjali fe : 1999 san sətanburukalo tile 8, balikukalangintanw b'o la, ani balikukalan karaməgəkalan fila, San ani Yangaso.

Fən min ye kunnafoni jəyərə ye Wizən Mənjali ka baaraw lawaleyali kəno, a nəmaaba Eli Keyita n'a jənəgənw ma tulonke o la. O yəre de kanma, Piyeri Sayi, min ye baara labenna n'a kələsibaga ye ciyakəda in kəno, n'a sigiyərə bənnen bə Bila dugu kənəna ma, o y'an kunben sanga ni waati bəs jənəgonya lakika kadara kəno. O yəre de siratəgə kelen na, an kelen bə ka taamasira

boloda ka nəsin Wizən Mənjali kuntılenna ma, min b'a to an bəna Jəkabaara kalanbagaw labə ko caman kalanna, kuntılenna na,



Piyeri Sayi Wizən Mənjali kalanko
Kəlosilibaga Bila

Wizən Mənjali bə ka minnu ta cikəlaw ka nətaa an'u ka senyərəkərə kadara kəno.

Jəkabaara səbenjəkulu

CMDT məgo minnu ye səbenni ke bəko in kəno :

Mamadu Yusufu Sise -Bamako
Dawuda Mace Dawo -Bamako
Mamdu Lariya Sise -Bamako
Usmani Tarawele -Fana
Daniyeli Kulubali - Buguni
Amadu Teli - Sikasso
Musa Zanən Tarawele - Kucala
Abudulayi Kara - San
Yusufu Jimé Sidibe - Kita

Poyi :

E bolo ye jumən ye ?

Təgerəlankolonfə, bolo
Danfara, bolo
Dabalijugu, bolo
Tinəni, bolo
Kankarida, bolo
Gosili, bolo
Muguci, bolo
Bolo min bə bolo təw magən
E bolo ye jumən ye ?

Desebaatəbolo, deli-likebolo
Yafabolo, Dimitəbolo
Bolo sirilen, bolo salen
Bolo karilen, bolo faa-len
Bolo təw nənəna bolo
min kə,
Ne ko o ye tınetafen ye
E bolo ye jumən ye ?

B a a r a k ε b o l o ,
dilalikəbolo
D e m ε d o n b o l o ,
numankəbolo
Bolo barikalen, bolo
lajarabilen
Bolo kaarilen, bolo
lawasalen
Ne ko e bolo ye jumən
ye ninnu na de ?

Karamogo Sibiri Watara
ka bə Jema dugu kəno.

Jitumu Bala n'a yereku.

Jekabaara kalanbaga dugulen bëe be caman dòn jitumu Bala ka ko la, ka masorò san 1997 bokò caman kumana a kan. Nin yoro in na, an bëna kuma a ka dinesosigi nafa de kan, anw hadamadennin senninfila bolonin fila ka dinenatige keko numan kadara kono ; geleya caman, b'an bimaaw kan ka d'a kan an kera dunanw ye an yerew ka dinenatige tabiyaw jekoro. An tigera an halalaw la, k'an bolo mconobo walifenw nöfe, an dun ma se k'olu fana mineko jenjén ke. N'an dun ye jatemine ke dije taabolow kununnama n'u bilamaw kan, an b'a soro ko hadamaden jekulu banbannen bëe sun donna u halala de kan folo, kan soro ka wañita k'olu dafafen y'u bolo. N'an taara nansara kunda, an be t'a soro ko hali n'u ka diine labanbannen ye kerecènya ye, Nk'u m'u ka fenköròw labila i n'a fo "Asiterikiw ni Mondoròw" anu joggonnaw. N'an sera k'u ka diine babannen ye "Budisiya ani silameya ni kerecènya ye". Nk'o n'a ta bëe, u bolo ma bo u ka batofenköròw kan, i n'a fo "Mongiròw ani zamionfaw" n'u joggonna caman wërew ye. Fen min ye Afriki kognaw ye yan, tijé don, silameya ni kerecènya diinew ye noba bo, nka jamana caman jøsen sabanan tora laadalasiraw kan : k'o dòwari fo Ganan ; Nizeriya fo Afriki worodugu jama na fanba bëe. Ni kuma diyara and, an b'a fo ko Mali jamana ni Lagine jamana fila dörönpe de y'u kunbo laadalasira ninnu koro. U dun ma se ka ke fen wëre ye segen ni jani ani geleya damateme k'o dugukolow kan. Nin jamana fila dörönpe de kognomogow b'a fo dije don o don ko "aa !" kunnu ka fisa bi ye ! Dije in dun kono, ko si sababuntan te. Bi-bi in na, mun de tora anw bolo "Tapama Jenapo" ni "Sangarew benbake fula kali" ani Beledugu jnanaköròw ni jitumu Bala, tijé na togo gansan k'o ! An dun b'a bëe,

an kelen be k'an ton diine minnu kan n'o ye silameya ni kerecènya ye, an dalen t'olu fana na barisa, a dan ye tasuma ka wuli an bómisiw n'an turukalaw la dörön, walasa an kufoyoro ka k'an ka ko koro tigilamogow sen koro la ye. Andumbëe b'a dòn ko suruku sogo-fila - genna ninyoro ma ke fen wëre ye si kongola k'o - kabini Jitumu Balako be sen na lawale la. Awa a m'a "sonbaga" nisondiyabali to abada. N'i y'i dafalen ale la ko o ko la, a b'o ko kunnawolo d'i ma. O yere de kanma Maana Buguse jan Dunbiya delila k'a fo n'nenako "ko dònbaloya ye ko jugu ye. Nontë, nin sukrobaw be jamana min kono, n'o y'an ka Maliba in ye, cogo di segen ni geleya ani tooro te se ka ban o jamana kono !" Buguse ye tijé fo nk'a da ma se fen min ma o de ye ko an t'an yeredon belen yere de. Jitumu Bala ye sukro la kodonnen ye, i n'a fo fula kali Sangare ka bo Birigo ani jeneba Tumani ka bo wasolon. Nin sukro kelen - kelen bëe weleko numan be se k'an ka jamana in kono gelonya sunba do kari. Dije in dun kono sabu juguya bëe ka jugu. Nka, ka k'i yere ma sabu jugu ye, o de ka jugu n'a bëe ye de.

Nka, a ka kan kelen fana ka fo. Ki dafalen sukro la, o ka kan. Nka, i mako jenen, ka jinen walima k'i ban k'i dakan nabò, o joggon ko jugu te de. Aw m'a ye min kera Bugulanin Sanata Samake la dakanbòbaliya Kanma wa. O kera, a be san keme bo bi. Nka, i komi bamananna, jine te ke koba si k'o, o de Sanata tun ye konamuso ye. A y'a da falen Jituma Bala la, k'o n'a ye den soro, cëma, k'a b'o togo da ko jitumu Bala. Ko n'o dun kera musoma ye dun, k'a n'o wele ko Tenen San yelemana, ka san wëre yelema ; Baninköròw ye nako caman ani taako caman ke. Awa, Ala y'i to a ka masaya la, ka na Sanata ko na musonin lajo. kalo tan, a tan ni kelennan, Sanata y'a

yeremasorò den ke dakabanan na. Sanata n'a ce nagarila ka nisondiya. U ko aa, nin y'an fatooman sorojen ye. U ye den togo da ko Jigi. O tun ye Sanata fa togo ye. U jinen sababu k'o, ka t'i toron garisege kan. Den in dun krobayara. A kera sanbalano y'a fila jekulu bëe kan. O bëe tun ye nisondiyakoba ye Sanata n'a ce bolo. U tun b'a fo ko "Ala y'an son dakabanan den, monoboden na dëre "Sanata denke sera cew kundama ma. A ye cefinisaba ta. O si ma Sanata hakili lajigin a dakan na. A den ke ka kognomusò donni su folo de, a hakili y'a dakan soro. Nk'o kera "fontumakò" ye, barisa a ka Jiginin ninama m'o su latem. Sanata y'a bolo fila d'a kun ka kule. A ko "aa, ne ye n bolo su n yere ne na de". Owon, a kera ten. Sanata y'a sen fila yere fara a bolow kan, k'olu su a ne na.

N'an b'a fe ka bo nogo la, an k'an kosegin a n ka sukro n'a ka fenköròw ma. A de nafa b'an kan. Ka segin i cogoköròw ma, o te kojugu ye, a be se k'i dònbagaw de caya dörön.

Tumani Yalam Sidibe ni
Banakonin Fallien Samake,
Ka bo welesebugu.

Jekabaara
Labolikuntigi

Yusufu Jalo
Sébenjekulu Kuntigi

Yusufu Jalo
Sébenjekulu

Bakari Sangare
Yusufu Fane
Jekabaara ni ONG cesira taamabaga

Fanta Kulubali
Negenw këbaga

Nuhun Madani Taraweles ko
Banun
Baarakéjoggow

Makoci, SNV, OCED
Hakébola

11000
Batakisira : 2043
Negejurusira : 29 62 89